

BASES DE ORGANIZACIÓN IV TRAIL SUBIDA PICO MURALLA – CONCELLO DE RIANXO

Artigo 1.

A Sociedade Deportiva Barbantia Roda, coa colaboración do Concello de Rianxo, organiza a cuarta edición do **TRAIL SUBIDA PICO MURALLA – CONCELLO DE RIANXO**, coa finalidade de promover esta modalidade deportiva. Paralela ao Trail, e co fin de fomentar hábitos saudables, terá lugar unha andaina non competitiva cun percorrido similar ao do Trail. O evento non é federado.

Artigo 2.

A proba celebrárase o domingo 11 de agosto de 2019. A distancia é de aproximadamente 15 km cun desnivel acumulado de 671 m.

Artigo 3. Sedes e Programa

Sede 1.

Pavillón polideportivo de Rianxo

- **8 h.** Entrega de dorsais andaina e servizo de gardarroupa.
- **8:30 h.** Saída da andaina na Praza Virxe da Guadalupe.
- **9 h.** Entrega de dorsais e servizo de gardarroupa.
- **10:30 h.** Saída neutralizada do trail (Praza Virxe da Guadalupe – Irmáns Insua – Rinlo)
- **14 h.** Fin da proba

Vestiaros, duchas, avituallamento final e entrega de trofeos

Sede 2.

Lugar da Ermida (O Araño)

- Avituallamento intermedio.

Sede 3.

Alto do Pico Muralla (O Araño)

- Chegada e traslado á sede 1 ao remate da proba. Servizo gratuíto de autobús.

Artigo 4. Participación e categorías

Poderán participar todas aquelas persoas que así o desexen, e para poder optar a algún dos premios será condición indispensable ter rematado a carreira.

Trail: as categorías serán as seguintes (teranse en conta os anos cumpridos o día do trail).

- **Sénior masculino e feminina:** 18-40 años.
- **Veteranos/as 1 :** 41-55 años.
- **Veteranos/as 2 :** 56 e maiores.

Andaina: categoría única. Poderán participar persoas a partir dos 14 anos (teranse en conta os anos cumpridos o día da andaina). Entre os 14 e 18 anos precisarase autorización por escrito dos proxenitores.

Non se permite levar animais de compañía.

Artigo 5. Inscripcións

Prazo:

Ata o xoves 8 de agosto de 2019 ás 22 h. Non se aceptarán inscricións fóra de prazo ou con datos incompletos.

Onde:

emesports.es

Prezo:

Andaina: 3 €.

Trail: 6 €.

Límite prazas: 250 prazas para o trail e 250 para a andaina.

Artigo 6. Clasificación e trofeos

As reclamacións aos resultados oficiais da carreira deberán formularse verbalmente á Organización, non máis tarde de 10 minutos despois da súa publicación. Todo o non previsto no presente regulamento, resolverase de acordo co Regulamento da RFEA en vigor para cada caso. A participación implica a total aceptación deste regulamento, e o descoñecemento do mesmo non exime do seu obrigado cumprimento.

Serán motivo de descualificación:

- Correr co dorsal doutra persoa.
- Non estar inscrita na proba e participar nela.
- Realizar a inscrición alterando os datos.
- Non atender as indicacións da organización.
- Manifestarse con conduta antideportiva e/ou contra o medio ou se reitere en protestas ante a organización.
- Toda participante que non realice o percorrido completo.
- O acompañamento das participantes con vehículos de apoio.

A organización do evento está facultada para retirar, durante a proba, a calquera atleta que manifeste un mal estado físico por indicación do servizo médico.

Recibirán trofeo :

1. Os tres primeiros homes e as tres primeiras mulleres en cruzar a liña de meta.
2. Os tres primeiros clasificados de cada categoría feminina e masculina.
3. A primeira e primeiro corredor/a local.
4. A corredora e corredor máis veteranos.

Os premios son acumulables, podendo levar mais dun trofeo unha mesma persoa participante.

Para a andaina non se fará clasificación nin haberá trofeos.

Artigo 7. Servizos

Servizo de gardarroupa

Pavillón polideportivo Municipal de Rianxo

Vestiaros e duchas

Pavillón polideportivo Municipal de Rianxo

Publicación dos resultados

Taboleiro anuncios pavillón polideportivo municipal de Rianxo

emesports.es

Servizo gratuíto de autobús

Desde o Pico Muralla ao pavillón de Rianxo.

Artigo 8. Información

- emesports.es
- concelloderianxo.gal
- facebook do servizo de deportes do Concello de Rianxo
- facebook de Barbantia Roda

Para máis información ou calquera dúbida relacionada coa organización do evento, poderán chamar aos teléfonos **629869217** (Barbantia Roda) ou no **981866381** (Servizo de Deportes do Concello de Rianxo).

Artigo 9. Outras consideracións

A proba conta cun seguro de responsabilidade civil e un seguro de accidentes coas coberturas mínimas esixidas no Real Decreto 849/1993.

A proba conta cun servizo médico-sanitario, que constará dunha ambulancia e un médico.

A organización da proba resérvase o dereito a modificar horarios e ou percorridos, así como aprazar ou suspender a carreira se así o estima oportuno por razóns de seguridade (alerta laranxa, IRDI -Índice diario de risco de incendio-. No caso de suspensión buscarase unha nova data e non se devolverán os cartos da inscrición.

As persoas participantes que, durante o transcurso da carreira/andaina, circulen por fóra do espazo delimitado polos vehículos de sinalización/monitores para a carreira ou andaina, considéranse a todos os efectos usuarias normais da vía.

Toda persoa que corra/ande sen estar inscrita, farao baixo a súa responsabilidade e non poderá participar de trofeos nin obsequios. Tampouco estará amparada polos seguros da proba.

O dorsal deberá ser colocado visiblemente na parte dianteira do tórax, e non se poderá facer nel ningunha modificación.

A organización e as persoas colaboradoras non se fan responsables dos danos morais ou materiais que a si mesmos ou a outras persoas ocasionen as participantes na carreira.